



Page: 17

Reach: 50000

Country: BOSNIA AND HERZEGOVINA

Size: 474 cm2

1 / 1

Šokantni detalji opsežne istrage Tužilaštva KS

# Svodnik novac od prostitucije prao prodajući kurbane

Tužilaštvo pribavilo više hiljada prisluškivanih razgovora sa prostitutkama i klijentima • I maloljetnice prodavale tijelo

U Kantonalnom sudu u Sarajevu jučer je održano ročište za određivanje pritvora osumnjičenima Samiru Kurtoviću i Omeru Nargaliću, koji su uhapšeni u akcij Državne agencije za istrage i zaštitu (SIPA) kodnog naziva "Lipstick", a koji su privedeni zbog sumnje da su grupu djevojaka, među kojima je bilo i maloljetnica, navodili na prostituciju.

## Sporni dokazi

Trećem članu ove grupe Melisi Šehović jučer su određene mjere zabrane.

Marsela Bajramović i Kadrija Kolić, advokati osumnjičenih Kurtovića i Nargalića, obratili su se sutkinji Jasmini Begić tvrdeći da je Tužilaštvo nezakonitim radnjama pribavilo dokaze koje su uložili u spis.



**Tužilac Osmić: Iznio rezultate istrage** (Foto: H. Karamehmedović)

nema uvid u dokaze i ne možemo ocijeniti njihovu relevantnost, valjanost i zakonitost. Nemamo dokaza da je Tužilaštvo redovno slalo izvještaje Sudu tokom istražnih radnji. Osumnjičenima nije saopćeno da su bili pod istražnim radnjama. Pretres se vršio u objektu gdje žive majka i brat osumnjičenog Kurtovića, a ne on. Predmeti koji su oduzeti, ne mogu biti dokazi – kazala je braniteljica Bajramović.

Advokat Kolić tvrdio je da nikada nisu dobili potvrdu naloga o hapšenju

te da pretresu nisu prisustvovali svjedoci.

Tužilac Senad Osmić kazao je kako Tužilaštvo dugo vremena provodi aktivnu istragu te da je ona još u toku i da postoje indicije da je u sve

umiješan još najmanje jedan osumnjičeni, koji još nije uhapšen. U ovoj istrazi učestvovala je i tužiteljica Nermina Ekinović.

## Šokantni razgovori

- Postoje maloljetnice čiji identitet treba zaštititi, a do sada smo utvrdili da su najmanje tri maloljetne djevojke navodene na prostituciju. Grupa je djelovala duže vrijeme, a zasigurno od 2014. godine. Organizator je Kurtović, koji je zarađivao najmanje 1.000 KM dnevno – rekao je Osmić.

Tužilac Osmić je, ta-

koder, citirao šokantne navode iz pojedinih prisluškivanih razgovora.

- U razgovoru od 14. avgusta 2015. godine osumnjičeni je pozivao drugu metu, gdje prije poziva govori kako je kupio kuću i osam dunuma zemlje. U drugom razgovoru, nepoznata osoba pita Kurtovića koliko mu djevojaka može osigurati za tu večer, a on je, navodno, odgovorio kako može koliko god hoće i da to košta 200 eura po satu. U jednom od razgovora klijent je na engleskom kazao: "Treba mi nešto mlado", a Kurtović je rekao:



Privođenje osumnjičenog Kurtovića na saslušanje u Tužilaštvo

"Imam jednu od 16 godina." Stranac ga je tada pitao hoće li njene godine biti problem, na šta mu je Kurtović rekao da njene godine nisu problem – kaže tužilac Osmić.

Za drugoo sumnjičenog Nargalića Tužilaštvo tvrdi

da je štitio Kurtovića te da je nalazio klijente za djevojke.

Tužilac Osmić osvrnuo se i na krivično djelo pranja novca, za koje se ova grupa, također, tereti pa je kazao kako se iz iskaza koji je dala osumnjičena Šehović, vidi da je Kurtović ulagao novac u stado stoke.

- Prvi put sam se susreo s ovakvim načinom pranja novca. Ulagao je u stoku, kupovao je ovce i krave i potom ih prodavao kao kurbane, što je, zaista, poražavajuće – ocijenio je Osmić.

Kurtović je jučer kazao da ne poznaje Nargalića i da ga je u sudnici vidio prvi put u životu. Tužici su uložili i zapisnike o saslušanju tri svjedokinje. **A.ALJIMI**

## Omer Nargalić sve negirao

Nargalić je rekao da je, prije svega, veliki vjernik te da nikada sebi ne bi dozvolio da uradi nešto kao što je navođenje na prostituciju.

- Nemam veze s Kurtovićem. Imam maloljetno dijete i normalan život i ne bih to nikada radio. Majka mi je rekla prije hapšenja

kako se neko po komšiluku raspitivao za mene i ja sam odmah nazvao advokata da pitam gdje da se predam da vidim o čemu je riječ. Nemam veze s radnjama koje mi se stavljaju na teret. Normalno se krećem, putujem, nema me na potjericama. Kunem se Bogom i pred

zakonom, jer ne bih sebi to dozvolio nakon toliko godina izdržavanja kazne (10 i po godina proveo u zatvoru zbog ubistva, op. a.), jedva sam čekao da izađem. Imam bolesnu majku, koju nema ko voditi na preglede. Ne bih sebi dozvolio ovaj cirkus i belaj – kazao je Nargalić.